



So nun diser gestiert planus abgestolen fertig ist/ als dañ stell den würffel darauf an sein stat zu gleicher weis wie er dann hie foren auf sein abgestolen plano stet. Das zu machen sind also. Nym die leng von einer seitten des würffels im forderten nidergedruckten grund/vn ses die mitten mit zweyen puncten. x.y. auf die vnderen zwercchlini. f.g. deiner yzigen abgestolnen stierung/in den weiten von dem eck. f. so weit sie stet im forderten nidergedruckten grund/ von der seitten des gesierten plano.e.f. Darnach zeuch zwei streymlini auf dem naheten aug in die zweyen puncten.x.y. zwischen disse zwei lini muß der würffel mit seyner vnderen stierung hindern aufdisen planu gestelt werden. Aber wie weye hindersich/das sich also / So du in dem forderten nidergedruckten grund ein orstreich. e.g. reiſt/so wirt auch diser orstreich eyn orstreich im nidergedruckten grund des würffels sein/dann diselini get durch seine zwey eck. j.a. vnd. z.c. Nun so das ist/ so zeuch auch ein orstlini. e.g. in deinem yzigen abgestolnen feld/ wo dañ dis durchschneit die zweystreymlini. x.y. da ses auf der lini. x.ein.a.vnd auf der lini. y.ein.c. Darnach zeuch zwei zwercchlini auf den puncten. a.c wo dann die zwercchlini. a.durchschneydet die streymlini. y.da ses ein.d. Aber two die zwercchlini. c. die streymlini. y.durchschneidet/ da ses ein.b. also stet der gesierte planus vnden an dem würffel mit sein vier ecken recht auf dem gesierten abgestolnen plano.e. f.g. h. wie da foren in dem anderen.

Nun zeuch aus den vier ecken.a.b.c.d. vbersich vier aufrechte lini/vnnd die fordernen zwei zeuch so hoch vbersich als lang da ist die zwercchlini. b.c. vn zeuch oben in vorgemelter höhe ein zwercchlini von einer lini zu der andern/vn ses in die selben zwey eck ob dem. b. die ziffer. 2. vnd ob dem. c. die ziffer. 3. Darnach zeuch zwei streymlinien auf dem nehern aug in die zwey eck. 2. 3. wo sie dañ abschneiden a.d. da ses ob dem. a. die ziffer. 1. vnd ob dem. d. ses. 4. vnd zeuch ein zwercchlini. i. 4. vn. 2. 3. Also ist diser würffel recht gemacht/wie in den forigen abgestolnen grund. Wie ich dann das hienach also hab aufgerissen.Ee ich weiter gehe.

